



Resolución do 2 de outubro de 2024 pola que se fai pública a adxudicación de destinos obxecto do proceso de provisión por mobilidade nos corpos de policía local de Galicia, escala básica, categoría de policía, convocado mediante Orde do 31 de maio (DOG Núm. 114, do 13 de xuño).

Con data 13 de xuño de 2024 o Diario Oficial de Galicia fixo pública a Orde do 31 de maio de 2024 pola que se aproban as bases xerais e se convocou o proceso de provisión por mobilidade nos corpos de policía local de Galicia, escala básica, categoría de policía.

O tribunal que avaliou este proceso, nomeado por Resolución do 31 de xullo de 2024 (DOG Núm. 152, do 7 de agosto de 2024) acordou con data 1 de outubro de 2024 facer pública a baremación definitiva deste proceso e remitiu a este centro directivo a proposta de adxudicación dos postos ofertados nos correspondentes concellos, así como a lista de reserva.

De acordo co establecido nas bases reguladoras deste proceso,

RESOLVO:

Primeiro: Publicar no anexo desta resolución a proposta de adxudicación de prazas convocadas no referido proceso de provisión por mobilidade, así como a listaxe de reserva, tal e como estipula a base 10.1 das bases que rexen este proceso.

Segundo: Notificar de forma individual a todas as persoas que acadaron posto neste proceso, e a todos os concellos afectados para que eleven a definitiva a proposta de adxudicación de postos.





Así mesmo, a Agasp comunicaralle, aos concellos as prazas que quedaron vacantes e que se incorporarán á convocatoria de oposición libre e que se relacionan no anexo desta resolución.

De conformidade co artigo 43.6 da Lei 4/2007, do 20 de abril, de coordinación de policía locais, e co artigo 41 do Decreto 15/2023, do 12 de xaneiro, de desenvolvemento da lei anterior, **os destinos adxudicados son irrenunciabes**, excepto que con anterioridade á finalización do prazo posesorio se obteña outro destino mediante convocatoria pública.

Nese caso, a persoa adxudicataria poderá optar e comunicar a opción elixida. Unha vez comunicada esta circunstancia á Agasp da praza a que renuncia, poderá tomar posesión da outra praza obtida en paralelo noutra convocatoria pública.

O tribunal realizará neste suposto unha segunda e, de ser o caso, sucesivas propostas en favor da persoa candidata que obtivese a seguinte mellor cualificación no concurso.

Esta previsión sería aplicable tamén no caso de que a persoa candidata proposta non reúna os requisitos de participación, unha vez que sexan comprobados.

Tal e como establece a base 10.3. da convocatoria as persoas funcionarias seleccionadas para unha praza no proceso de mobilidade cesará no prazo dos **cinco días seguintes á publicación da resolución do concurso** e tomará posesión no prazo dos **dez días seguintes ao cesamento**. O tempo transcorrido entre a data do cesamento e a da toma de posesión computarase como de servizo activo no concello de destino. En todo caso, os prazos para a data do cesamento e da toma de posesión comezarán a contar unha vez que rematen os permisos ou licenzas que teña concedidos a persoa interesada. Nos supostos de incapacidade



temporal, o cómputo do prazo para a toma de posesión iniciárase a partir da correspondente alta. Non obstante, no caso de licenzas ou permisos vinculados ao embarazo, parto e posparto, nacemento de fillo, adopción, garda con fins de adopción ou acollemento, as persoas funcionarias poderán cesar no posto que ocupa con carácter definitivo e tomar posesión no posto adxudicado no concurso, e continuarán o desfrute do permiso ata a súa finalización.

Na data da sinatura dixital

O director xeral

Santiago Villanueva Álvarez

